

Vegagerðin
Kristján Kristjánsson, verkfræðingur
Dagverðardal
400 Ísafjörður

2000070030
4502; 9310

Reykjavík, 12. október 2000
/--

Efni: Vestfjarðavegur(60): Eyri - Vattarnes, ákvörðun um matsáætlun

Í samræmi við 8. gr. laga um mat á umhverfisáhrifum er hér kynnt niðurstaða Skipulagsstofnunar um tillögu Vegagerðarinnar að matsáætlun um Vestfjarðaveg(60) frá Eyri að Vattarnesi.

Skipulagsstofnun barst tillaga að matsáætlun um Vestfjarðaveg(60) frá Eyri að Vattarnesi með bréfi Vegagerðarinnar dags. 12. september 2000. Skipulagsstofnun kynnti tillögu framkvæmdaraðila eftirtöldum aðilum í samræmi við 8. gr. laga um mat á umhverfisáhrifum: Reykhólahreppi, Náttúruvernd ríkisins, Landgræðslu ríkisins, veiðimálastjóra og Þjóðminjasafni Íslands. Stofnunin kynnti tillöguna einnig með fréttatilkynningu og á heimasíðu stofnunarinnar.

Skipulagsstofnun bárust umsagnir frá eftirtöldum aðilum: Reykhólahreppi með bréfi dags. 11. september 2000, Náttúruvernd ríkisins með bréfi dags. 5. október 2000, Landgræðslu ríkisins með bréfi dags. 29. september 2000, veiðimálastjóra með bréfi dags. 4. október 2000 og Þjóðminjasafni Íslands með bréfi dags. 10. október 2000. Ein athugasemd barst með bréfi dags. 11. október 2000.

Í samræmi við 8. gr. laga um mat á umhverfisáhrifum hefur Skipulagsstofnun farið yfir framlagða tillögu framkvæmdaraðila að matsáætlun ásamt þeim umsögnum og athugasemd sem borist hafa stofnuninni. Skipulagsstofnun fellst á tillögu framkvæmdaraðila að matsáætlun með eftirfarandi athugasemdum.

Lögð er áhersla á að í matsskýrslu verði gerð grein fyrir mismunandi kostum í legu vegarins, auk óbreytts vegar og þeir bornir saman á sem sambærilegastan

hátt, einkum veglínnum sem hafa í för með sér víðari beygjur beggja vegna Klettsháls og leiðir yfir leirur í botni Kollafjarðar og Skálmarfjarðar.

Í matsskýrslu verði gerð grein fyrir stærð og gerð gróins lands sem framkvæmdin raskar, hættu á jarðvegsrofi og mótvægisáðgerðum gegn því og vegna beinna gróðurskemmda.

Í matsskýrslu komi fram hvenær gagna svo sem um lífríki er aflað .

Í matsskýrslu verði gerð grein fyrir rannsóknum á efnistökusvæðum, fjallað um efnistökuáætlun og frágang efnistökusvæða og áhrif á landslagsgerðir í samráði við Náttúruvernd ríkisins. Vakin er athygli á að framkvæmdin kann að vera háð heimild veiðimálastjóra varðandi efnistöku eða mannvirkjagerð í eða við veiðivötn.

Áður en frekari vinna við mat á umhverfisáhrifum hefst geri Vegagerðin Skipulagsstofnun grein fyrir áætlun um kynningu, álitsumleitan og samráð við mat á umhverfisáhrifum og gerð matsskýrslu sbr. 5. lið 13. gr. reglugerðar nr. 671/2000.

Bent er á að í matsskýrslu verði gerð grein fyrir samræmi allra framkvæmdaþátta við gildandi svæðisskipulag Dalasýslu og Austur-Barðastrandarsýslu. Ennig er bent á að misritun er í kafla 3.2 um að landnotkun sé skilgreind í aðalskipulagi Reykhólahrepps þar sem átt er við svæðisskipulagið.

Hólmfríður Sigurðardóttir

Þóroddur F Þóroddsson

Afrit :

Reykhólahreppur
Landgræðsla ríkisins
Náttúruvernd ríkisins
Veiðimálastjóri
Þjóðminjasafn Íslands
Ágúst H. Sigurðsson